

ქალაქ ფოთის მუნიციპალიტეტის გენდერული თანასწორობის საბჭოს სხდომის

ოქმი №2

ქალაქი ფოთი

8 სექტემბერი 2022 წელი

სხდომას თავმჯდომარეობდა:

ქალაქ ფოთის მუნიციპალიტეტის გენდერული თანასწორობის საბჭოს თავმჯდომარე მაია დოლბაია.

ესწრებოდნენ ქალაქ ფოთის მუნიციპალიტეტის გენდერული თანასწორობის საბჭოს წევრები:

ნანა ვეკუა, ნანა საბულუა, მალხაზ ფოჩხუა, თამარ თოფურია, ლელა ჩიჩუა, თეონა ახალაია, ეკატერინე ფაჩულია, ნინო გვასალია, გვანცა გვაძაბია, მაია მაკალათია, ნონა სილაგავა, მანანა ქოიავა, ეკატერინე ტუღუში, შორენა მირცხულავა, ხათუნა შამათავა, სოფო როდონაია

ქალაქ ფოთის მუნიციპალიტეტის გენდერული თანასწორობის საბჭოს 2022 წლის მეორე სხდომაზე განსახილველ საკითხთა ნუსხა:

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურში გენდერული თანასწორობის მიმართულებით გათვალისწინებული პროგრამების შესრულების 2022 წლის 8 თვის ანგარიში

/მომხსენებელი: მაია მაკალათია - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი - საბჭოს წევრი/

ქალაქ ფოთის მუნიციპალიტეტის ორგანოებში, მუნიციპალიტეტის მიერ დაფუძნებულ იურიდიული პირებში, დაწესებულებებში სექსუალური შევიწროების პრევენციის პოლიტიკის სარეკომენდაციო დოკუმენტის მიღების შესახებ.

/მომხსენებელი: შორენა მირცხულავა - არასამეწარმეო (არაკომერციული) იურიდიული პირის "ასოციაცია თავისუფალი თაობის" გამგეობის თავმჯდომარე - საბჭოს წევრი/

ქალაქ ფოთში ოჯახში ძალადობის კუთხით არსებული მდგომარეობის შესახებ 2022 წლის 8 თვის ინფორმაცია;

/მომხსენებელი: ხათუნა შამათავა - შსს სამეგრელო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწე-გამომძიებელი, პოლიციის მაიორი-საბჭოს წევრი./

ქალაქ ფოთის მუნიციპალიტეტის გენდერული საბჭოს საკუთარი ლოგოს მიღების მიზანშეწონილობის შესახებ.

/მომხსენებელი: მაია დოლბაია - გენდერული თანასწორობის საბჭოს თავმჯდომარე/

გენდერული თანასწორობის საბჭოს თავმჯდომარემ მაია დოლბაიამ საბჭოს წევრებს გააცნო დღის წესრიგით გათვალისწინებული საკითხები.

მოისმინეს:

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურში გენდერული თანასწორობის შესახებ გათვალისწინებული პროგრამების შესრულების 2022 წლის 8 თვის ანგარიში

მომხსენებელი: მაია მაკალათია - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი

მომხსებელმა ხაზი გაუსვა იმ გარემოებას, რომ ქალაქ ფოთის მუნიციპალიტეტისათვის ერთ-ერთ პრიორიტეტს წარმოადგენს მოქალაქეთა სოციალურ-ეკონომიკური გაძლიერება და მათი ინტერესების დაცვა. ამ მიზნით, მუნიციპალიტეტში არსებული საჭიროებების გათვალისწინებით ყოველ წელს ხორციელდება მუნიციპალური სერვისების გაუმჯობესება, როგორც მან აღნიშნა:

1. „მოსახლეობის სტაციონარული მკურნალობის პროგრამა“ -ის ფარგლებში საანგარიშო პერიოდში დახმარება გაეწია 762 ბენეფიციარს.
2. „მოსახლეობის მედიკამენტებით უზრუნველყოფის“ პროგრამით 2022 წელს დახმარება გაეწია 1984 ბენეფიციარს.
3. „შშმ ბავშვთა რეაბილიტაციის დაფინანსების“ პროგრამით ისარგებლა 124 ბენეფიციარმა.
3. „ფენილკეტონური და ცელიაკი დაავადებულ (21 წლამდე ასაკის) პირთა კვებითი დანამატებით უზრუნველყოფის“ ქვეპროგრამის მიხედვით დახმარება გაეწია 4 ბენეფიციარს.
4. „კოხლეარული იმპლანტით მოსარგებლე ბენეფიციართა დახმარება“ თანხის წლიური ლიმიტი განსაზღვრულია 300 (სამასი) ლარით და დახმარება გაეწია 1 ბენეფიციარს.
5. „სარიტუალო მომსახურების“ პროგრამის ფარგლებში დახმარება გაეწია 68 ბენეფიციარს. კაცი-42, ქალი-26.
6. „მარტოხელა მშობელთა დახმარების“ პროგრამის ფარგლებში დახმარება გაეწია 106 მარტოხელა მშობელს. ვაჟი-50, ქალი-56.
7. „განსაკუთრებული საჭიროების მქონე ავადმყოფთა და დიალიზით დაავადებულთა ქალაქგარეთ ტრანსპორტირების“ პროგრამით დახმარება გაეწია 22 ბენეფიციარს. კაცი-22, ქალი-17.
8. „2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახებისა და დაჭრილ მოქალაქეთა დახმარების“ პროგრამის ფარგლებში დახმარება გაეწია 13 ოჯახს.
9. „მეორე მსოფლიო ომის მონაწილეთა, ამავე ომის შშმ პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარების“ პროგრამის მიხედვით დახმარება გაეწია 21 ვეტერანს. კაცი-19, ქალი-2.
10. „უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად“ პროგრამის ფარგლებში საანგარიშო პერიოდში დახმარება გაეწია 71 ბენეფიციარს. კაცი-43, ქალი-28.
11. „უსინათლოებისათვის წნევის გამზომი ხმოვანი აპარატების შეძენა“ პროგრამის ფარგლებში საანგარიშო პერიოდში დახმარება გაეწია 6 ბენეფიციარს. კაცი-3, ქალი-3.

24. „საჭიროების მქონე ბავშვიანი ოჯახების ფინანსური დახმარების“ პროგრამის ფარგლებში საანგარიშო პერიოდში დახმარება გაეწია 25 ოჯახს, მათ შორის 38 - გოგო, 22 - ვაჟი.
25. „დიაბეტით დაავადებულ (18 წლამდე) ბავშვთა მატერიალური დახმარების“ პროგრამის ფარგლებში საანგარიშო პერიოდში გაეწია 14 მოზარდს, მათ შორის 11- გოგო, 3 - ვაჟი.
26. „სოციალურად დაუცველი სტუდენტების მხარდაჭერა პროგრამა“, პროგრამის ფარგლებში საანგარიშო პერიოდში დახმარება გაეწია 6 სტუდენტს.
27. სოციალური მომსახურების ცენტრის ხელშეწყობის პროგრამა, რომელიც მოიცავს:
- ა) „შინმოვლის სერვისს“, რომლის მიზანია შინმოვლის სერვისის განვითარებისა და დანერგვის გზით უნარშეზღუდული/მოწყვლადი ადამიანებისათვის ჯანმრთელობის მდგომარეობის გაუმჯობესება, კვალიფიციური სამედიცინო და სოციალური მომსახურების მიწოდება საცხოვრებელ ადგილზე იმ პირთათვის, რომლებიც საკუთარ თავს ვერ უვლიან. პროგრამა ვრცელდება ქალაქ ფოთის მუნიციპალიტეტში რეგისტრირებულ მოქალაქეებზე. 2022 წელს დახმარება გაეწია 26 ბენეფიციარს. კაცი-7, ქალი-19.
- ბ) „უფასო კვებით უზრუნველყოფას“, რაც ითვალისწინებს ყოველდღიურად, უმწეო მოქალაქეთა უზრუნველყოფას ცხელი სადილით დღეში ერთხელ. იმ მოქალაქეებს, რომელთაც უჭირთ გადაადგილება, არიან ლოგინს მიჯაჭვულები, მომსახურება ეწევათ ბინაზე მიტანით. 2022 წელს დახმარება გაეწია 360 ბენეფიციარს. კაცი-132, ქალი-228.
28. ფოთის სატრანსპორტო კომპანიის სუბსიდირებაის პროგრამა: - M3 კატეგორიის იმ ავტობუსებით, სადაც მგზავრობის ფასის გადახდა ხორციელდება ელექტრონული გამოყენებულია კვალიფიციური ელექტრონული ხელმოწერა/ ელექტრონული შტამპი აღმრიცხველი სამუალებების გამოყენებით, 50 % შეღავათიანი მგზავრობით ისარგებლებენ ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: а) მეორე მსოფლიო ომის ვეტერანები და მათთან გათანაბრებული პირები; ბ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების ვეტერანები და მათთან გათანაბრებული პირები; გ) სხვა სახელმწიფოთა ტერიტორიული საბრძოლო მოქმედებების ვეტერანები და მათთან გათანაბრებული პირები; დ) სამხედრო ძალების ვეტერანები; ე) მკვეთრად გამოხატული შეზღუდული შესაძლებლობების მქონე პირები. მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: а) 0 – 6 წლამდე ბავშვები; ბ) სკოლის მოსწავლეები (24 საათში 2-ჯერ); გ) ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, სასადილოს თანამშრომლები, მედდები და ექიმები; დ) ა(ა)იპ კოალიცია „სოციალური რეფორმებისათვის“ დღის ცენტრის თანამშრომლები. ე) შეზღუდული შესაძლებლობის მქონე უსინათლო პირები და გადაადგილებისას მათთან ერთად მყოფი დამხმარენებისმიერი პირი. ტრანსპორტით მომსახურების ღირებულება განისაზღვრება 50 თეთრის ოდენობით. - M2 კატეგორიის ტრანსპორტით მგზავრობის გადასახადისაგან თავისუფლდება შეზღუდული შესაძლებლობის მქონე ბავშვთა დღის ცენტრის ბენეფიციარები, ასევე ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ მედდები და ექიმები.
29. „ბავშვთა ცენტრის ხელშეწყობის“ პროგრამა, რომელიც ითვალისწინებს უკიდურესად შეჭირვებულ, უმეთვალყურეოდ დარჩენილ ბავშვთა სოციალური რეაბილიტაციის ფიზიკური გაჯანსაღებისა და უფასო კვებით მომსახურებას. აგრეთვე, საჭიროების შემთხვევაში, სამედიცინო ამბულატორიული მცურნალობისათვის, მედიკამენტებით უზრუნველყოფას, უმეთვალყურეოდ

დარჩენილ ბავშვთა განვითარებისათვის ხელშეწყობას, მათთვის ოჯახური გარემოს შექმნას, ბავშვზე ზრუნვის სტანდარტების შესაბამისად, 24 საათიან მომსახურებას. პროგრამა გათვლილია 10 ბავშვზე. ამჟამად ბავშვთა სახლში ცხოვრობს 8 ბავშვი, მათ შორის 4 - გოგო, 4 - ვაჟი.

აზრი გამოთქვეს საბჭოს წევრებმა: მ. დოლბაიამ, შ. მირცხულავამ, მ. ფოჩხუამ

დაადგინეს: ცნობად იქნეს მიღებული ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ანგარიში (ანგარიში ოქმის თან ერთვის)

მომხრე 16, წინააღმდეგი 0

მოისმინეს: ქალაქ ფოთში ოჯახში ძალადობის კუთხით არსებული მდგომარეობის შესახებ 2022 წლის 8 თვის ინფორმაცია

მომხსენებელი: ხათუნა შამათავა - შსს სამეგრელო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწე-გამომძიებელი, პოლიციის მაიორი

როგორც მომხსენებელმა აღნიშნა 2022 წლის იანვრიდან აგვისტოს ჩათვლით ქ. ფოთის საქალაქო სამმართველოში დაფიქსირებულია ოჯახში ძალადობის 28 ფაქტი, რაც იმას ნიშნავს, რომ ქ. ფოთის საქალაქო სამმართველოში დაიწყო გამოძიება საქართველოს სსკ-ის 126-ე მუხლის პრიმა მუხლით გათვალისწინებული ნიშნები. აღნიშნული საქმეებიდან ერთი ტერიტორიული ქვემდებარეობით გადაიგზავნა ქალაქ თბილისში, 5 საქმეზე შეწყდა გამოძიება დანაშაულის ნიშნების არარსებობის გამო, 15 საქმეზე მოძალადის (ბრალდებულის) მიმართ ბრალის წარდგენის შემდეგ, ქ. ფოთის საქალაქო სასამართლოში წარიმართა საქმე განსახილველად, ხოლო დანარჩენზე მიმდინარეობს გამოძიება. მსხვერპლთაგან არასრულწლოვანი არის 8 პირი, ხოლო მოძალადებიდან არასრულწლოვანი ერთი პირია. (ანგარიში ოქმს თან ერთვის)

მოისმინეს: ქალაქ ფოთის მუნიციპალიტეტის ორგანოებში, მუნიციპალიტეტის მიერ დაფუძნებულ იურიდიული პირებში, დაწესებულებებში სექსუალური შევიწროების პრევენციის პოლიტიკის სარეკომენდაციო დოკუმენტის მიღების შესახებ.

მომხსენებელი: შორენა მირცხულავა - არასამეწარმეო (არაკომერციული) იურიდიული პირის "ასოციაცია თავისუფალი თაობის" გამგეობის თავმჯდომარე

ასოციაცია "თავისუფალი თაობის" გამგეობის თავმჯდომარისა და "სოციალურ მუშავთა რეგიონალური ასოციაციის" აღმასრულებელი დირექტორის შორენა მირცხულავას 2022 წლის 14 თებერვლის განცხადების, ქალაქ ფოთის მუნიციპალიტეტის მერიის 2022 წლის 22 მარტის N 42-4222070104 წერილის შესაბამისად, ქალაქ ფოთის მუნიციპალიტეტის გენდერული საბჭო უფლებამოსილია მიღლოს ქალაქ ფოთის მუნიციპალიტეტის მუნიციპალიტეტის მიერ დაფუძნებულ იურიდიული პირებში, დაწესებულებებში სექსუალური შევიწროების პრევენციის პოლიტიკის სარეკომენდაციო დოკუმენტი.

დაადგინეს:

1. მიღებულ იქნას ქალაქ ფოთის მუნიციპალიტეტის ორგანოებში, მუნიციპალიტეტის მიერ დაფუძნებულ იურიდიული პირებში, დაწესებულებებში სექსუალური შევიწროების პრევენციის პოლიტიკის სარეკომენდაციო დოკუმენტი თანახმად დანართისა. (დოკუმენტი ოქმს თან ერთვის)
2. ეთხოვოს ქალაქ ფოთის მუნიციპალიტეტის ორგანოებს, მუნიციპალიტეტის მიერ დაფუძნებულ იურიდიულ პირებს, დაწესებულებებს სექსუალური შევიწროების პრევენციის პოლიტიკის სარეკომენდაციო დოკუმენტის შესრულებასთან დაკავშირებული ღონისძიებების გატარება.

აზრი გამოთქვეს საბჭოს წევრებმა: მ. დოლბაიამ, გ. გვამაბიამ, ნ. საბულუამ

მომხრე 16, წინააღმდეგი 0

მოისმინეს: ქალაქ ფოთის მუნიციპალიტეტის გენდერული საბჭოს საკუთარი ლოგოს მიღების მიზანშეწონილობის შესახებ.

მომხსენებელი: მაია დოლბაია - გენდერული თანასწორობის საბჭოს თავმჯდომარე

დაადგინეს: ქალაქ ფოთის მუნიციპალიტეტის გენდერული თანასწორობის საბჭოს მიზანშეწონილობის საბჭო მიზანშეწონილად თვლის გენდერული თანასწორობის საბჭოს გააჩნდეს საკუთარი ლოგო. ამასთანვე, საბჭო მზადაა ითანამშრომლოს დონორ ორგანიზაციებთან ლოგოს შექმნასთან დაკავშირებით.

მომხრე 16, წინააღმდეგი 0

ქალაქ ფოთის მუნიციპალიტეტის
საკრებულოს თავმჯდომარის პირველი მოადგილე,
გენდერული საბჭოს თავმჯდომარე

გენდერული საბჭოს მდივანი



მაია დოლბაია

ეკატერინე ფაჩულია

**ქალაქ ფოთის მუნიციპალიტეტის მერიის ჯანმრთელობისა და სოციალური დაცვის
სამსახურის 2022 წლის იანვრიდან აგვისტოს თვის ჩათვლით მუშაობის შესახებ
გენდერული თანასწორობის საბჭოზე წარსადგენი ინფორმაცია**

ქალაქ ფოთის მუნიციპალიტეტისათვის ერთ-ერთ პრიორიტეტს წარმოადგენს მოქალაქეთა სოციალურ-ეკონომიკური გაძლიერება და მათი ინტერესების დაცვა. ამ მიზნით, მუნიციპალიტეტში არსებული საჭიროებების გათვალისწინებით ყოველ წელს ხორციელდება მუნიციპალური სერვისების გაუმჯობესება. ამასთან ქალაქ ფოთის მუნიციპალიტეტის გენდერული თანასწორობის საბჭოს გაწვდით ინფორმაციას, ქალაქ ფოთის მუნიციპალიტეტის 2022 წლის ბიუჯეტით გათვალისწინებული ჯანმრთელობისა და სოციალური დაცვის პროგრამებისა და 2022 წლის იანვრიდან აგვისტოს თვის ჩათვლით მუშაობის შესახებ:

- „მოსახლეობის სტაციონარული მკურნალობის პროგრამა“ ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული პირების, მათ შორის სოციალურად დაუცველი მოსახლეობის ჯანმრთელობის დაცვის სერვისების ხელმისაწვდომობას, სხვადასხვა დაავადებების მკურნალობის ხარჯების, ძვირადღირებულ ოპერაციების და ძვირადღირებული გამოკვლევების იმ კომპონენტის თანადაფინანსებას, რომელიც არ არის გათვალისწინებული საყოველთაო ან კერძო დაზღვევით. აღნიშნული პროგრამის ფარგლებში, მოქალაქეს საბიუჯეტო წლის განმავლობაში დახმარება შეიძლება გაეწიოს ერთხელ, ხოლო ონკოლოგიური დაავადებების (ავთვისებიანი სიმსივნე, ლეიკემია) მქონე მოქალაქეებს - ორჯერ. იმ მოქალაქეებს, რომელთა სარეიტინგო ქულა არ აღემატება 70 000-ს, ასევე შეზღუდული შესაძლებლობის (მკვეთრად გამოხატული) სტატუსის მქონე მოქალაქეებს, მკურნალობის ღირებულება დაუფინანსდებათ გასაწევი სამედიცინო მომსახურების ხარჯის დამადასტურებელი დოკუმენტაციით (წინასწარი კალკულაცია) წარმოდგენილი თანხის 100 %-მდე, არაუმეტეს 1 000 (ერთი ათასი) ლარისა, ხოლო მოქალაქეებს, რომელთაც გააჩნიათ 70 000-ზე მეტი სარეიტინგო ქულა, ან არ არიან დარეგისტრირებულნი სოციალურად დაუცველი ოჯახების ერთიან მონაცემთა ბაზაში, მკურნალობის ღირებულება დაუფინანსდებათ გასაწევი სამედიცინო მომსახურების ხარჯის დამადასტურებელი დოკუმენტაციით (წინასწარი კალკულაცია) წარმოდგენილი თანხის 70 %- მდე, არაუმეტეს 1 000 (ერთი ათასი) ლარისა. იმ შემთხვევაში თუ გასაწევი სამედიცინო მომსახურების ხარჯი არ აღემატება 300 (სამასი) ლარს, დაფინანსება განხორციელდება 100 %-ით. 2022 წელს, აღნიშნული პროგრამის ფარგლებში დახმარება გაეწია 762 ბენეფიციარს.

2. „მოსახლეობის მედიკამენტებით უზრუნველყოფის“ პროგრამა ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული პირების, მათ შორის სოციალურად დაუცველი მოსახლეობის მედიკამენტებით უზრუნველყოფას. აღნიშნული ქვეპროგრამით გათვალისწინებული თითოეული მედიკამენტური დახმარებით, ბენეფიციარებს, საბიუჯეტო წლის განმავლობაში მედიკამენტის სახით, დახმარება შეიძლება გაეწიოთ: а) 70 ლარის ფარგლებში წარმოდგენილი დოკუმენტაციის საფუძველზე, წელიწადში ერთჯერ; ბ) ავთვისებიანი სიმსივნითა და ლეიკოზით დაავადებულ პირებს 1 000 (ერთი ათასი) ლარამდე წარმოდგენილი დოკუმენტაციის საფუძველზე, წელიწადში ორჯერ; გ) განსაკუთრებული საჭიროების მქონე სოციალურად დაუცველ (100 000-მდე სარეიტინგო ქულა) ავადმყოფებს 150 (ასორმოცდაათი) ლარამდე წარმოდგენილი დოკუმენტაციის საფუძველზე, წელიწადში ერთჯერ; დ) ეპილეფსიით დაავადებულ პირებს 150 (ასორმოცდაათი) ლარამდე წარმოდგენილი დოკუმენტაციის საფუძველზე, წელიწადში ერთჯერ; ე) კორონა ვირუსით (COVID-19) დაინფიცირებულ პირებს, სტაციონარული მკურნალობის დასრულებიდან 2 თვის განმავლობაში წარმოდგენილი დოკუმენტაციის საფუძველზე 100 (ასი) ლარამდე წელიწადში ერთჯერ. 2022 წელს დახმარება გაეწია 1984 ბენეფიციარს.

3. „შშმ ბავშვთა რეაბილიტაციის დაფინანსების“ ქვეპროგრამა ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული პირების, 18 წლამდე ასაკის შეზღუდული შესაძლებლობების მქონე, მათ შორის აუტიზმის, გონებრივი განვითარების შეფერხების ან დაყოვნების მქონე პირთა ფსიქოსომატური რეაბილიტაციის დაფინანსებას. а) აუტიზმის მქონე ბავშვებს (ICD-10 განსაზღვრული კლასიფიკატორები F84.0, F84.1, F84.5, F84.9) წელიწადში ერთჯერ - არაუმეტეს 3600 (სამიათას ექვსასი) ლარით; ბ) შეზღუდული შესაძლებლობის მქონე, მათ შორის გონებრივი განვითარების შეფერხების ან დაყოვნების მქონე ბავშვებს წელიწადში ერთჯერ, არაუმეტეს 700 (შვიდასი) ლარით. 2022 წელს აღნიშნული პროგრამით ისარგებლა 124 ბენეფიციარმა.

3. „ფენილკეტონურიით და ცელიაკიით დაავადებულ (21 წლამდე ასაკის) პირთა კვებითი დანამატებით უზრუნველყოფის“ ქვეპროგრამა ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული (0-21 წლის ასაკის) ფენილკეტონურიით და/ან ცელიაკიით დაავადებულ პირთა დაფინანსებას კვებითი დანამატების შესაძენად, წელიწადში ერთჯერ არაუმეტეს 1000 (ერთი ათასი) ლარით. 2022 წელს დახმარება გაეწია 4 ბენეფიციარს.

4. „კოხლეარული იმპლანტით მოსარგებლე ბენეფიციართა დახმარება“ ითვალიწინებს ქალაქ ფოთის მუნიციპალიტეტის ტერიტორიაზე რეგისტრირებული, კოხლეარული იმპლანტით მოსარგებლე 0-21 წლის ჩათვლით პირების დახმარებას, აპარატის

შეუფერხებელი ფუნქციონირების მიზნით. ქვეპროგრამა ითვალისწინებს: ა) კვების წყაროსთვის საჭირო ელემენტის შეძენას; წლიური ლიმიტი განსაზღვრულია 700 (შვიდასი) ლარით; ბ) პროცესორის და მიკროფონის შემაერთებელი სადენის შეძენას. თანხის წლიური ლიმიტი განსაზღვრულია 300 (სამასი) ლარით. 2022 წელს დახმარება გაეწია 1 ბენეფიციარს.

5. „სარიტუალო მომსახურების“ პროგრამის ფარგლებში, ხორციელდება სოციალურად დაუცველი (100 000-მდე ქულის მქონე), შეჭირვებული, მარტოხელა, უპატრონო და დიდი სამამულო ომის მონაწილეებისა და საქართველოს ტერიტორიული მთლიანობისათვის ბრძოლაში მონაწილეთა გარდაცვალების შემთხვევაში მიცვალებულთა სარიტუალო მომსახურების, კერძოდ კუბის (ჩასასვენებელის) დაფინანსება. 2022 წელს დახმარება გაეწია 68 ბენეფიციარს. კაცი-42, ქალი-26.

6. „მარტოხელა მშობელთა დახმარების“ პროგრამა ითვალისწინებდა, ქალაქ ფოთის მუნიციპალიტეტის ტერიტორიაზე რეგისტრირებული მარტოხელა მშობლების ყოველთვიურ მატერიალურ დახმარებას, 50 ლარის ოდენობით, მოზარდის 17 წლის ასკის შესრულებამდე. 2022 წელს დახმარება გაეწია 106 მარტოხელა მშობელს. ვაჟი-50, ქალი-56.

7. „განსაკუთრებული საჭიროების მქონე ავადმყოფთა და დიალიზით დაავადებულთა ქალაქგარეთ ტრანსპორტირების“ პროგრამა ითვალისწინებდა მძიმე მდგომარეობაში მყოფ ავადმყოფთა ტრანსპორტირებით უზრუნველყოფას, უფასო, სრულყოფილი და ოპერატიული სასწრაფო სამედიცინო მომსახურებით, თვეში 150 ლარის ოდენობით, ხოლო განსაკუთრებული საჭიროების მქონე ავადმყოფთა ქალაქგარეთ ტრანსპორტირების შემთხვევაში წელიწადში ერთჯერ. 2022 წელს დახმარება გაეწია 22 ბენეფიციარს. კაცი-22, ქალი-17.

8. „2008 წლის აგვისტოს მოვლენების დროს რუსეთის აგრესის შედეგად დაღუპულთა ოჯახებისა და დაჭრილ მოქალაქეთა დახმარების“ პროგრამა ითვალისწინებს ყოველთვიურ მატერიალურ დახმარების გაწევას, გარდაცვლილი მოქალაქეების ოჯახებისათვის. 2022 წელს დახმარება გაეწია 4 ოჯახს. ა) რუსეთის მიერ განხორციელებული აგრესის შედეგად გარდაცვლილი 11 მოქალაქის ოჯახისათვის – 500 ლარის ოდენობით წელიწადში ერთჯერ; ბ) რუსეთის მიერ განხორციელებული აგრესის შედეგად გარდაცვლილი 4 მშვიდობიანი მოქალაქის ოჯახისათვის, რომლებიც სამსახურებრივი მოვალეობის შესრულების დროს დაიღუპნენ – 400 ლარის ოდენობით ყოველთვიურად; გ) რუსეთის მიერ განხორციელებული აგრესის შედეგად დაჭრილ სამოქალაქო პირებზე – 300 ლარის ოდენობით წელიწადში ერთჯერ. 2022 წელს დახმარება გაეწია 13 ოჯახს.

9. „მეორე მსოფლიო ომის მონაწილეთა, ამავე ომის შშმ პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარების“ პროგრამა ითვალისწინებს დიდი სამამულო ომის მონაწილეებისა და ამავე ომის შეზღუდული შესაძლებლობის მქონე პირთა და სხვა სახელმწიფოთა ტერიტორიული მთლიანობისათვის ბრძოლაში მონაწილეთა ერთჯერადი მატერიალური დახმარების გაწევას: а) მეორე მსოფლიო ომის მონაწილე ბენეფიციარებს, თითოეულს 400 ლარის ოდენობით; ბ) სხვა სახელმწიფოთა ტერიტორიული მთლიანობისათვის ბრძოლაში მონაწილე ბენეფიციარებს, თითოეულს 300 ლარის ოდენობით; გ) მეორე მსოფლიო ომის მონაწილეებთან გათანაბრეულ ბენეფიციარებს, თითოეულს 300 ლარის ოდენობით. 2022 წელს დახმარება გაეწია 21 ვეტერანს. კაცი-19, ქალი-2.

10. „უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად“ პროგრამა ითვალისწინებს უსინათლიო და ყრუ-მუნჯი ბენეფიციართა ფინანსური მხარდაჭერას ყოველთვიური დახმარებით 60 ლარის ოდენობით. 2022 წელს დახმარება გაეწია 71 ბენეფიციარს. კაცი-43, ქალი-28.

11. „უსინთლოებისათვის წნევის გამზომი ხმოვანი აპარატების შეძენა“ პროგრამა ითვალისწინებს უსინათლო პენსიონერებისათვის წნევის გამზომი ხმოვანი აპარატების შეძენას. 2022 წელს დახმარება გაეწია 6 ბენეფიციარს. კაცი-3, ქალი-3.

12. „შშმ ბავშვთა დღის ცენტრის დახმარება კომუნალური გადასახადების დასაფინანსებლად“ პროგრამა, რომლის მიზანია შეზღუდული შესაძლებლობის მქონე ბავშვთა დღის ცენტრის პროგრამის განხორციელების ხელშეწყობა. 2022 წელს აგვისტოა თვის ჩათვლით გაიხარჯა 3747 ლარი და 14 თეთრი.

13. „ოჯახში ძალადობის მსხვერპლთა დაცვის ღონისძიებების“ პროგრამა ითვალისწინებს „ქალთა მიმართ ძალადობის ან/და ოჯახში ძალადობის აღკვეთის, მსხვერპლთა დაცვისა და დახმარების შესახებ“ საქართველოს კანონის შესაბამისად, მოქალაქეზე (მსხვერპლზე), რომლის უფლებები დაირღვა და სტატუსი განუსაზღვრა საქართველოს შინაგან საქმეთა სამინისტროს შესაბამისმა სამსახურმა ან/და სასამართლო ორგანომ ან/და ოჯახში ძალადობის მსხვერპლის სტატუსის განმსაზღვრელმა ჯგუფმა (მსხვერპლის იდენტიფიცირების ჯგუფმა სტატუსის მინიჭების შემდეგ ერთჯერადად 300 ლარის ოდენობით. აღნიშნული პროგრამის ფარგლებში 2022 წელს მოქალაქეთა მომართვიანობა არ დაფიქსირებულა.

14. „ახალშობილთა ოჯახების დახმარების“ პროგრამა ითვალისწინებს ქალაქ ფოთის მუნიციპალიტეტში რეგისტრირებული ახალშობილთა ოჯახების დახმარებას 100 ლარის

ოდენობით, წელიწადში ერთჯერ. 2022 წელს დახმარება გაეწია 93 ოჯახს. ვაჟი-57, ქალი-36.

15. „მრავალშვილიანი ოჯახების ყოველთვიური დახმარების“ პროგრამა ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული მრავალშვილიანი ოჯახებისათვის, რომლების ზრდიან 3 და მეტ არასრულწლოვან მოზარდს (უფროსი შვილის 17 წლის ასაკის შესრულებამდე), მატერიალურ დახმარებას: 3-შვილიან ოჯახს – 50 ლარი; 4-შვილიან ოჯახს – 100 ლარი; 5-შვილიან ოჯახს – 190 ლარი; 6-შვილიან ოჯახს – 220 ლარი; 7-შვილიან ოჯახს – 300 ლარი; 8 და მეტ-შვილიან ოჯახს – 450 ლარი. 2022 წელს დახმარება გაეწია 306 ოჯახს. კაცი-493, ქალი-305.

16. „ხუთი და მეტშვილიანი ოჯახების დახმარების“ პროგრამა ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული მრავალშვილიანი ოჯახებისათვის მატერიალურ დახმარებას, რომლებიც ზრდიან 5 და მეტი არასრულწლოვან მოზარდს (უფროსი შვილის 17 წლამდე ასაკის შესრულებამდე) 2000 (ორიათასი) ლარის ოდენობით, წელიწადში ერთჯერ. 2022 წელს დახმარება გაეწია 19 ოჯახს. კაცი-54, ქალი-49.

17. „სადღესასწაულო დღეებთან დაკავშირებული დახმარებების“ პროგრამა ითვალისწინებს:

1. სადღესასწაულო დღეებში შემდეგი კატეგორიის ბენეფიციარების მატერიალურ წახალისებას:

- დედით, მამითა და დედ-მამით ობლები 17 წლამდე ასაკის – 100 ლარი, წელიწადში ერთჯერ. - ჩერნობილის ატომური ელექტრო სადგურის ლიკვიდაციაში მონაწილეთათვის (26 აპრილს) – 100 ლარი, ერთჯერადად.

- ქალაქის წინაშე განსაკუთრებული დამსახურების მქონე პენსიონრები – 100 ლარი. ერთჯერადად.

- შეზღუდული შესაძლებლობების მქონე პირები, 17 წლამდე ასაკის მოზარდები – 100 ლარი, წელიწადში ორჯერ.

- დაუნის სინდრომის მქონე ბვშვთა, თანდაყოლილი გულის მანკით დაავადებულთა, 18 წლამდე ასაკის – 500 ლარი, ერთჯერადად.

- ეპილეფსიით დაავადებულ ბავშვთათვის, 18 წლამდე ასაკის ბავშვები – 500 ლარი, ერთჯერადად.

- ქალაქში მცხოვრები უხუცესები: а) 90-100 წლამდე უხუცესები – 100 ლარი, ერთჯერადად; б) 100 წლის და 100 წელს გადაცილებული უხუცესები – 500 ლარი, ერთჯერადად.

2022 წელს დახმარება გაეწია 244 ბენეფიციარს. კაცი-132, ქალი-112.

2. ქალაქ ფოთის მუნიციპალიტეტში მცხოვრები სოციალურად დაუცველი, შეჭირვებული, სხვადასხვა საჭიროების მქონე ოჯახებისათვის საკვები პროდუქტებით უზრუნველყოფას სადღესასწაულო დღეებთან დაკავშირებით. დახმარების მიმღებ ბენეფიციარებს წარმოადგენს: ქალაქ ფოთის მუნიციპალიტეტში მცხოვრები სოციალურად დაუცველი, შეჭირვებული ოჯახები, ასევე მრავალშვილიანი, მარტოხელა მშობლები, შეზღუდული შესაძლებლობების მქონე ბავშვები, დედით, მამითა და დედ-მამით 18 წლამდე ასაკის ობლები, ყრუ-მუნჯები, უსინათლო პირები. 2022 წელს დახმარება გაეწია 560 ბენეფიციარს.

18. „განსაკუთრებით მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების“ პროგრამა ითვალისწინებს განსაკუთრებით მძიმე პირობებში მცხოვრებ ოჯახებზე საკუთრებაში/ფაქტობრივ მფლობელობაში არსებული ავარიული საცხოვრებელი სახლის სარემონტო სამუშაოებისათვის სამშენებლო მასალების გადაცემას (შიფერი, ხის მასალა), ხანძრის შედეგად დაზარალებული მოქალაქეების დახმარება, კერძოდ: სრული ზარალის შემთხვევაში ერთ ოჯახზე 5000-მდე ლარის ოდენობით; ნაწილობრივი ზარალის შემთხვევაში 2000-მდე ლარის ოდენობით. 2022 წელს დახმარება გაეწია 84 ბენეფიციარს. კაცი-57, ქალი-27.

19. „მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამა“ ითვალისწინებს ქალაქ ფოთის მუნიციპალიტეტში რეგისტრირებული მძიმე სოციალურ-ეკონომიკურ პირობებში მარტოდმცხოვრები (მარტოხელა) პენსიონების, სოციალურად დაუცველი (არაუმეტეს 70 000 ქულის მქონე) მოქალაქეებისათვის ყოფითი პირობების გაუმჯობესების ხელშეწყობა, კერძოდ ბუნებრივი აირის გამანაწილებელ ქსელზე ახალი მომხმარებლის მიერთების ღირებულების 100 %-ის დაფინანსება, ერთი წერტილის გათვალისწინებით. 2022 წელს დახმარება გაეწია 1 ბენეფიციარს. ქალი-1.

20. „გენდერული თანასწორობის ხელშეწყობის პროგრამა“ ითვალისწინებს „ადგილობრივ დონეზე ქალთა სოციალურ-ეკონომიკური გაძლიერება/ხელშეწყობას“. ქვეპროგრამის ფარგლებში, მუნიციპალიტეტი უზრუნველყოფს ქალაქ ფოთის მუნიციპალიტეტში რეგისტრირებული პირების (ქალები) მიერ წარმოდგენილი

პროექტების 80 %-მდე თანადაფინანსებას. საბიუჯეტო წლის განმავლობაში, მუნიციპალიტეტის ბიუჯეტიდან დაფინანსების ჯამური ოდენობა განისაზღვრება 7000 ლარით. თითოეული გამარჯვებულისათვის თანადაფინანსების მინიმალური ოდენობა შეადგენს 500 ლარს, ხოლო მაქსიმალური ოდენობა შეადგენს 3500 ლარს.

21. „თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა“ ითვალისწინებს ქალაქ ფოთის მუნიციპალიტეტის ტერიტორიაზე რეგისტრირებული თავშესაფრის გარეშე დარჩენილი ოჯახები ან პირი, რომელთა საცხოვრებელი სახლი, სტიქიური უბედურების, უბედური შემთხვევების და სხვა გარემოებების გამო დაინგრა, დაიწვა ან საცხოვრებლად უვარგისი, ავარიული ან სიცოცხლისათვის საშიში გახდა. ასევე პირები რომლებიც გახდნენ ძალადობის მსხვერპლნი. 2022 წელს დახმარება გაეწია 22 ოჯახს. კაცი-7, ქალი-15.

22. „შეჭირვებული ოჯახების შეშით უზრუნველყოფის პროგრამა“ ითვალისწინებს ქალაქ ფოთის მუნიციპალიტეტის ტერიტორიაზე მცხოვრები, მძიმე სოციალურ-ეკონომიკური პირობების მქონე შეჭირვებული ოჯახისათვის შეშის შეძენა ზამთარში გათბობის უზრუნველსაყოფად, თითოეულ ოჯახზე 200 ლარის ოდენობით. 2022 წელს დახმარება გაეწია 116 ოჯახს. კაცი-78, ქალი-38.

23. „ახალი კორონავირუსის (COVID-19) პანდემიით გამოწვეული მძიმე სოციალურ-ეკონომიკური მდგომარეობიდან გამომდინარე მოსახლეობის საკვები პროდუქტებით უზრუნველყოფის პროგრამა“ ითვალისწინებს ქალაქ ფოთის მუნიციპალიტეტში მცხოვრები სოციალურად დაუცველი, შეჭირვებული, სხვადასხვა საჭიროების მქონე ოჯახებისათვის საკვები პროდუქტებით უზრუნველყოფას.

24. „საჭიროების მქონე ბავშვიანი ოჯახების ფინანსური დახმარების“ პროგრამა, რომლის მიზანია ბავშვის კეთილდღეობის უზრუნველყოფა, რაც ხელს შეუწყობს ბავშვის უფლებებისა და თავისუფლებების რეალიზებას, განვითარებას, ბავშვის საუკეთესო ინტერესების უპირატეს გათვალისწინებას, სოციალური პირობების გაუმჯობესებას. პროგრამით გათვალისწინებული ფულადი სოციალური დახმარების ოდენობა შეადგენს 200 ლარს, წელიწადში ერთხელ. 2022 წელს დახმარება გაეწია 25 ოჯახს, მათ შორის 38 - გოგო, 22 - ვაჟი.

25. „დიაბეტით დაავადებულ (18 წლამდე) ბავშვთა მატერიალური დახმარების“ პროგრამა, რომლის ფარგლებში ქალაქ ფოთის მუნიციპალიტეტში რეგისტრირებულ, დიაბეტით დაავადებულ 18 წლამდე ბავშვს (შემდგომში – ბავშვი) ფინანსური დახმარება გაეწევა თვეში 100 (ასი) ლარის ოდენობით. 2022 წელს დახმარება გაეწია 14 მოზარდს, მათ შორის 11- გოგო, 3 - ვაჟი.

26. „სოციალურად დაუცველი სტუდენტების მხარდაჭერა პროგრამა”, რომელიც ითვალისწინებს ერთიანი ეროვნული გამოცდების შედეგად აკრედიტებულ უმაღლეს საგანმანათლებლო პროგრამებზე ჩარიცხული, ქალაქ ფოთის მუნიციპალიტეტში რეგისტრირებული სოციალურად დაუცველი სტუდენტებისათვის მატერიალურ წახალისებას, სწავლის დაფინანსების მიზნით, კერძოდ: სოციალურად დაუცველი სტუდენტისთვის, რომლის ოჯახის სარეიტინგო ქულა არ აღემატება 100 000-ს წელიწადში ერთჯერ, 1 000 ლარის ოდენობით. 2022 წელს დახმარება გაეწია 6 სტუდენტს.

27. სოციალური მომსახურების ცენტრის ხელშეწყობის პროგრამა, რომელიც მოიცავს:

ა) „შინმოვლის სერვისს”, რომლის მიზანია შინმოვლის სერვისის განვითარებისა და დანერგვის გზით უნარშეზღუდული/მოწყვლადი ადამიანებისათვის ჯანმრთელობის მდგომარეობის გაუმჯობესება, კვალიფიციური სამედიცინო და სოციალური მომსახურების მიწოდება საცხოვრებელ ადგილზე იმ პირთათვის, რომლებიც საკუთარ თავს ვერ უვლიან. პროგრამა ვრცელდება ქალაქ ფოთის მუნიციპალიტეტში რეგისტრირებულ მოქალაქეებზე. 2022 წელს დახმარება გაეწია 26 ბენეფიციარს. კაცი-7, ქალი-19.

ბ) „უფასო კვებით უზრუნველყოფას”, რაც ითვალისწინებს ყოველდღიურად, უმწეო მოქალაქეთა უზრუნველყოფას ცხელი სადილით დღეში ერთხელ. იმ მოქალაქეებს, რომელთაც უჭირთ გადაადგილება, არიან ლოგინს მიჯაჭვულები, მომსახურება ეწევათ ბინაზე მიტანით. 2022 წელს დახმარება გაეწია 360 ბენეფიციარს. კაცი-132, ქალი-228.

28. ფოთის სატრანსპორტო კომპანიის სუბსიდირებაის პროგრამა: - M3 კატეგორიის იმ ავტობუსებით, სადაც მგზავრობის ფასის გადახდა ხორციელდება ელექტრონული გამოყენებულია კვალიფიციური ელექტრონული ხელმოწერა/ ელექტრონული შტამპი აღმრიცხველი საშუალებების გამოყენებით, 50 % შეღავათიანი მგზავრობით ისარგებლებენ ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: ა) მეორე მსოფლიო ომის ვეტერანები და მათთან გათანაბრებული პირები; ბ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების ვეტერანები და მათთან გათანაბრებული პირები; გ) სხვა სახელმწიფოთა ტერიტორიებზე საბრძოლო მოქმედებების ვეტერანები და მათთან გათანაბრებული პირები; დ) სამხედრო ძალების ვეტერანები; ე) მკვეთრად გამოხატული შეზღუდული შესაძლებლობების მქონე პირები. მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: ა) 0 – 6 წლამდე ბავშვები; ბ) სკოლის მოსწავლეები (24 საათში 2-ჯერ); გ) ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, სასადილოს თანამშრომლები, მედდები და ექიმები; დ) ა(ა)იპ კოალიცია „სოციალური

რეფორმებისათვის" დღის ცენტრის თანამშრომლები. ე) შეზღუდული შესაძლებლობის მქონე უსინათლო პირები და გადაადგილებისას მათთან ერთად მყოფი დამხმარე ნებისმიერი პირი. ტრანსპორტით მომსახურების ღირებულება განისაზღვრება 50 თეთრის ოდენობით. - M2 კატეგორიის ტრანსპორტით მგზავრობის გადასახადისაგან თავისუფლდება შეზღუდული შესაძლებლობის მქონე ბავშვთა დღის ცენტრის ბენეფიციარები, ასევე ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის" მედდები და ექიმები.

29. „ბავშვთა ცენტრის ხელშეწყობის“ პროგრამა, რომელიც ითვალისწინებს უკიდურესად შეჭირვებულ, უმეთვალყურეოდ დარჩენილ ბავშვთა სოციალური რეაბილიტაციის ფიზიკური გაჯანსაღებისა და უფასო კვებით მომსახურებას. აგრეთვე, საჭიროების შემთხვევაში, სამედიცინო ამბულატორიული მკურნალობისათვის, მედიკამენტებით უზრუნველყოფას, უმეთვალყურეოდ დარჩენილ ბავშვთა განვითარებისათვის ხელშეწყობას, მათთვის ოჯახური გარემოს შექმნას, ბავშვზე ზრუნვის სტანდარტების შესაბამისად, 24 საათიან მომსახურებას. პროგრამა გათვლილია 10 ბავშვზე. ამჟამად ბავშვთა სახლში ცხოვრობს 8 ბავშვი, მათ შორის 4 - გოგო, 4 - ვაჟი.

მქალაქ ფოთის მუნიციპალიტეტის

მერიის ჯანმრთელობისა და სოციალური დაცვის

სამსახურის უფროსი - საბჭოს წევრი

მაია მაკალათია

**2022 წლის აგვისტოს ჩათვლით ინფორმაცია-ქალაქ ფოთში
ოჯახში ძალადობის კუთხით არსებული მდგომარეობის შესახებ**

2022 წლის იანვრიდან აგვისტოს თვის ჩათვლით ქ. ფოთის საქალაქო სამმართველოში დაფიქსირებულია ოჯახში ძალადობის 28 ფაქტი, რაც იმას ნიშნავს, რომ ქ. ფოთის საქალაქო სამმართველოში დაიწყო გამოძიება საქართველოს სსკ-ის 126-ე მუხლის პრიმა მუხლით გათვალისწინებული დანაშაულის ნიშნებით.

აღნიშნული საქმეებიდან ერთი ტერიტორიული ქვემდებარეობით გადაიგზავნა ქალაქ თბილისში, 5 საქმეზე შეწყდა გამოძიება დანაშაულის ნიშნების არარსებობის გამო, 15 საქმეზე მოძალადის (ბრალდებულის) მიმართ ბრალის წარდგენის შემდეგ, ქ. ფოთის საქალაქო სასამართლოში წარიმართა საქმე განსახილველად, ხოლო დანარჩენზე მიმდინარეობს გამოძიება.

მსხვერპლებიდან არასრულწლოვანი არის რვა პირი, ხოლო მოძალადეებიდან არასრულწლოვანი მხოლოდ ერთი პირია.

გამოცემული შემაკავებელი ორდერებია:

იანვარში-8 შემაკავებელი ორდერი;

თებერვალში-4 შემაკავებელი ორდერი;

მარტში-8 შემაკავებელი ორდერი;

აპრილში-6 შემაკავებელი ორდერი;

მაისში-6 შემაკავებელი ორდერი;

ივნისში-7 შემაკავებელი ორდერი;

ივლისში-13 შემაკავებელი ორდერი;

აგვისტო-4 შემაკავებელი ორდერი;

ცნობა შევადგინე:

ქ. ფოთის საქალაქო სამმართველოს

დეტექტივის თანაშემწე-გამომძიებელმა:

b.  /ხ. შამათავა/

ქალაქ ფოთის მუნიკალიტეტის ორგანოებში, მუნიციპალიტეტის მიერ დაფუძნებულ
იურიდიული პირებში, დაწესებულებებში სექსუალური შევიწროების პრევენციის
პოლიტიკის სარეკომენდაციო დოკუმენტი

ქალაქ ფოთის მუნიკალიტეტის ორგანოები, მუნიციპალიტეტის მიერ დაფუძნებული
იურიდიული პირები, დაწესებულება (შემდეგში – დაწესებულება)

- **მიზანად ისახავს დაწესებულებაში სექსუალური შევიწროებისგან თავისუფალი გარემოს შექმნას**
- **აცნობიერებს, რომ სექსუალური შევიწროება არის დისკრიმინაციის ფორმა, რომელიც პირისთვის ქმნის არაკომფორტულ და დამამცირებელ გარემოს**
- **აცნობიერებს, რომ სექსუალურ შევიწროებას შესაძლოა დაექვემდებაროს ნებისმიერი პირი მისი სქესის, სექსუალური ორიენტაციის, სოციალური სტატუსის, სამსახურებრივი პოზიციის ან სხვა ნიშნის მიუხედავად**
- **აცნობიერებს, რომ სექსუალური შევიწროება შეიძლება გამოვლინდეს როგორც სხვადასხვა, ასევე ერთიდამავე სქესის მქონე ადამიანებს შორის**
- **აცნობიერებს, რომ სექსუალური ხასიათის ნებისმიერ ქცევას, რომელიც მეორე პირისთვის არანებაყოფლობითი და არასასურველია და მას არაკომფორტულ გარემოს უქმნის, არ შეიძლება ჰქონდეს რაიმე გამართლება**
- **აცნობიერებს, რომ სექსუალური შევიწროება მსხვერპლის ფსიქო-სოციალურ მდგომარეობაზე განსაკუთრებით უარყოფით ეფექტს ახდენს, მათ შორის, ამცირებს მის სამუშაო პროდუქტიულობას**
- **აცნობიერებს, რომ სექსუალური შევიწროების ერთ-ერთი მძიმე ფორმა არის მომსახურება მომსახურების სანაცვლოდ, რაც პირისთვის სექსუალური მომსახურების ნაცვლად რაიმე სახის სარგებლის შეთავაზებას გულისხმობს**
- **იღებს ვალდებულებას საგარაუდო სექსუალური შევიწროების ფაქტის შემთხვევაში შესაბამისი რეაგირების შესახებ**
- **აცნობიერებს, რომ სექსუალურ შევიწროება შეიძლება გამოვლინდეს დაწესებულების თანამშრომლის ანდა სტაჟიორის მხრიდან, დაწესებულების თანამშრომლის, სტაჟიორის ან და მესამე პირის მიმართ**

I. დოკუმენტის მოქმედების სფერო

1. სექსუალური შევიწროება აკრძალულია დაწესებულებაში.
2. დაწესებულებად ჩაითვლება ნებისმიერი ადგილი, რომელიც გამოიყენება დაწესებულების საქმიანობის მიზნებისთვის, მათ შორის, დაწესებულების ცენტრალური და ადგილობრივი ოფისები, ასევე, შენობის გარეთ სივრცეები, მათ

შორის, შეხვედრები, მივლინებები, ტრენინგები, კონფერენციები, სოციალური ქსელი და სამუშაოსთან დაკავშირებული სხვა ღონისძიებები.

3. სექსუალური შევიწროება შესაძლოა განახორციელოს
 - ა. დაწესებულების თანამშრომელმა
 - გ. დაწესებულების სტაჟიორმა
4. სექსუალური შევიწროების მსხვერპლი შესაძლოა იყოს
 - ა. დაწესებულების თანამშრომელი
 - გ. დაწესებულების სტაჟიორი
- დ. ნებისმიერი სხვა პირი, რომლის მიმართ სექსუალური შევიწროება პირმა დაწესებულების თანამშრომლის ან სტაჟიორის სტატუსით განახორციელა.
 5. ამ დოკუმენტის მიზნებისთვის, დაწესებულების თანამშრომლად ჩაითვლება დაწესებულებაში მომუშავე საშტატო განრიგით გათვალისწინებული და შრომითი ხელშეკრულების საფუძველზე დასაქმებული პირი.
 6. ამ დოკუმენტის მიზნებისათვის, დაწესებულების სტაჟიორად ჩაითვლება „საჯარო დაწესებულებაში სტაჟიორების გავლის წესისა და პირობების შესახებ“ სახელმწიფო პროგრამის დამტკიცების თაობაზე“ საქართველოს მთავრობის 2014 წლის 18 ივნისის N410 დადგენილების შესაბამისად განსაზღვრული პირი, ასევე სხვა პირი, რომელიც დაწესებულებაში სტაჟიორებას გადის სხვა საფუძვლით.

II. სექსუალური შევიწროების ცნება

1. დაწესებულებაში აკრძალულია ნებისმიერი სახის სექსუალური შევიწროება.
2. სექსუალურ შევიწროება არის ნებისმიერი პირის მიმართ არასასურველი სექსუალური ხასიათის სიტყვიერი, არასიტყვიერი ან ფიზიკური ქცევა, რომელიც მიზნად ისახავს ან იწვევს მისი ღირსების შელახვას და ქმნის მისთვის დამაშინებელ, მტრულ, დამამცირებელ ან შეურაცხმყოფელ გარემოს.
3. სექსუალურ შევიწროებას აქვს ორი ფორმა:
 - ა) მომსახურება მომსახურების სანაცვლოდ (*Quid Pro Quo*), რაც გულისხმობს სექსუალური ხასიათის მოთხოვნას რამე სახის სარგებლის სანაცვლოდ
 - ბ) მტრული სამუშაო გარემო ანუ სამუშაო ადგილზე დამაშინებელი, შეურაცხმყოფელი, დამამცირებელი პირობების შექმნა.
4. სექსუალური შევიწროება შეიძლება გამოიხატოს, მათ შორის, შემდეგ ქმედებებში:

სიტყვიერი

- სექსუალური ხასიათის ხუმრობა
- კომენტარი ადამიანის გარეგნობის, ჩაცმულობის ან პირადი ცხოვრების შესახებ

ა) ნებისმიერმა პირმა, რომელიც თავს სექსუალური შევიწროების მსხვერპლად მიიჩნევს, თუ შესაძლებელია, სავარაუდო შემავიწროებელს უნდა შეატყობინოს, რომ მისი ქცევა არის არასასურველი და მიუღებელი.

ბ) თუ მსხვერპლს არ შეუძლია უშუალოდ მიმართოს სავარაუდო შემავიწროებელს, მას შეუძლია, სექსუალური შევიწროების ფაქტის შესახებ საჩივრით მიმართოს დაწესებულების ხელმძღვანელს. სავარაუდო სექსუალური შევიწროების მსხვერპლი საჩივარს წარადგენს ზეპირი ან წერილობითი ფორმით.

გ) სავარაუდო მსხვერპლი საჩივარში მიუთითებს სავარაუდო შემავიწროებლის სახელს და გვარს, დაკავებულ თანამდებობას, მათი სამსახურებრივი/პროფესიული ურთიერთობის შესახებ ინფორმაციას, სექსუალური შევიწროების ფაქტებს. არსებობის შემთხვევაში, სავარაუდო მსხვერპლი საჩივარს თან დაურთავს მტკიცებულებებს (წერილობითი, ფოტო, ვიდეო, აუდიო და სხვა მასალა, მესამე პირების ვინაობა, რომლებიც შესაძლოა ფაქტის შესახებ ინფორმაციას ფლობდნენ).

დ) აკრძალულია ვიქტიმიზაცია-პირის კანონმდებლობით გათვალისწინებული უფლებების შეზღუდვა, სავარაუდო შევიწროების ფაქტის შესახებ საჩივრის წარდგენის გამო.

2. საჩივრის განხილვის პროცედურა

ა) სავარაუდო სექსუალური შევიწროების მსხვერპლის მიერ ზეპირი ან წერილობითი ფორმით საჩივრის წარდგენის შემდეგ, დაწესებულების ხელმძღვანელი უფლებამოსილია შექმნას კომისია, რომელიც განიხილავს სავარაუდო შემავიწროებლის დისციპლინური პასუხისმგებლობის საკითხს. კომისიის შექმნაზე უარის შემთხვევაში, დაწესებულების ხელმძღვანელი მხარეს გადასცემს წერილობით დასაბუთებულ გადაწყვეტილებას საჩივრის განუხილველად დატოვების შესახებ.

ბ) კომისია შედგება არანაკლებ სამი წევრისგან, რომელებიც არიან დაწესებულების თანამშრომლები.

გ) სავარაუდო მსხვერპლი ან სავარაუდო შემავიწროებელი, უფლებამოსილია მოითხოვოს:

- ინტერესთა კონფლიქტის შემთხვევაში, კომისიის რომელიმე წევრის დაწესებულების სხვა თანამშრომლით ჩანაცვლება ან
- კომისიის დაწესებულების თანამშრომელი წევრის მესამე დამოუკიდებელი პირით ჩანაცვლება.

დ) „გ“ ქვეპუნქტში მითითებული მოთხოვნის დაკმაყოფილების და კომისიის ალტერნატიული წევრის შერჩევის შესახებ გადაწყვეტილებას იღებს დაწესებულების ხელმძღვანელი.

ე) დაწესებულების ხელმძღვანელი, კომისიის წევრები, სავარაუდო მსხვერპლი, სავარაუდო შემავიწროებელი და კომისიის მიერ საქმის შესწავლის პროცესში ჩართული ყველა პირი

ვალდებულია არ გაასაჯაროვოს კომისიის ფარგლებში მიღებული ინფორმაცია, გამოკვლეული მტკიცებულებები და მიღებული გადაწყვეტილება.

3. კომისიის უფლებამოსილება

კომისია უფლებამოსილია:

- ა) გამოკითხოს სავარაუდო მსხვერპლი;
- ბ) გამოკითხოს სავარაუდო შემავიწროებელი;
- გ) გამოკითხოს მესამე პირები, ვინც შესაძლოა ფლობდეს საქმესთან დაკავშირებულ ინფორმაციას;
- დ) გამოკვლეული საქმის ფაქტობრივი გარემოებებისა და მტკიცებულებების საფუძველზე, ხმათა უმრავლესობით, მიიღოს დასაბუთებული წერილობითი გადაწყვეტილება სექსუალური შევიწროების ფაქტის არსებობის ან არარსებობის შესახებ;
- ე) მის მიერ სექსუალური შევიწროების ფაქტის დაუდასტურებლობის შემთხვევაში, დაწესებულების ბრძანების შესაბამისად, შეწყვიტოს დისციპლინური წარმოება.

4. საჩივრის განხილვის ვადები

- ა) დაწესებულების ხელმძღვანელი კომისიას ქმნის საჩივრის წარდგენიდან 14 სამუშაო დღის ვადაში;
- ბ) სექსუალური შევიწროების საჩივართან დაკავშირებით კომისია გადაწყვეტილებას იღებს კომისიის საქმიანობის დაწყებიდან 1 თვის ვადაში.
- გ) თუ დისციპლინური გადაცდომისთვის არსებითი მნიშვნელობის მქონე გარემოებათა დადგენისთვის აუცილებელია 1 თვეზე მეტი ვადა, 1 თვიანი ვადის გასვლამდე 10 სამუშაო დღით ადრე, დაწესებულების ხელმძღვანელი, კომისიის რეკომენდაციის საფუძველზე, გადაწყვეტილებას იღებს დისციპლინური წარმოების ვადის დამატებით არაუმეტეს 1 თვით გაგრძელების თაობაზე.

IV. დისციპლინური პასუხისმგებლობა

1. დისციპლინური სახდელის დადება ხორციელდება საქართველოს ორგანული კანონის „საქართველოს შრომის კოდექსი“, „საჯარო სამსახურის შესახებ“ საქართველოს კანონის, საქართველოს კანონმდებლობის და შრომის შინაგანაწესის შესაბამისად.

V. პოლიტიკის დოკუმენტის განხორციელება

1. დაწესებულების თანამშრომლებისთვის, დოკუმენტის გაცნობის ვალდებულება ეკისრება დაწესებულების ხელმძღვანელს.

VI. მონიტორინგი, შეფასება და სხვა საკითხები

1. დაწესებულების ადამიანური რესურსების მართვის თანამშრომელი ან შესაბამისი პასუხისმგებელი პირი ვალდებულია აწარმოოს სტატისტიკა და მოამზადოს ყოველწლიური ანგარიში პოლიტიკის დოკუმენტის შესრულების ინციდენტების რაოდენობისა და დამდგარი შედეგების შესახებ.
2. წლიური ანგარიშით გამოკვეთილი ტენდენციების შესაბამისად, დაწესებულება აფასებს პოლიტიკის დოკუმენტის ეფექტურობას და ახორციელებს ცვლილებებს, საჭიროების შემთხვევაში.
3. აღნიშული წესით გაუთვალისწინებელი საკითხები რეგულირდება საქართველოს ორგანული კანონით „საქართველოს შრომის კოდექსი“, „საჯარო სამსახურის შესახებ“ საქართველოს კანონით, საქართველოს კანონმდებლობით და შრომის შინაგანაწესით. აღნიშულ წესსა და საკანონმდებლო აქტს შორის წინააღმდეგობის წარმოშობის შემთხვევაში გამოიყენება შესაბამისი საკანონმდებლო აქტი.